

Τίτελέ κε Ρῶλι uu Tiiti n wói

Lelɛɛ rítelɛ ntí kɛmɛɛ ní we

Tiiti ye pɛɛ Kirisi ukó le yeɛ úu Pisuifi mpuri kɛmɛɛ n léeri. U pɛɛ Ρῶλι ukεicɔ le. U pɛɛ meγá náásile kumújé kpe-i kaί pɛɛ Ρῶλι ne Korɛnti pikó icápine kecɔpe n caai. Míni keπάράά ketē kapi ye n sée re Kirɛeti-i kuú pɛɛ kumújé kpe-i ke Ρῶλι uu rítelɛ ntí u n wóipɔ we. Kei kuú pɛɛ Uléécαα icápine yeɛ kei ní we léni, in ne imecire nyóonsente.

Ifaaci iyɛ mekériiɛ ye mmé:

1. Ρῶλι ye méwee sɔne kai m pise re Uléécαα icápine piwéése piké m má Tiiti léise (1:5-16).
2. U kɔ lɛ ke u ne pisoι anai mpheḥ mpheḥ nyɛɛ icápine kɛmɛɛ ní we api yé n tone kecáá icélaa u pa: piwéése ne pinósi ne pitisi nanɛ-nanɛ ne pilási (2:1-15).
3. Utume Ρῶλι ye pisoι ημόόpuselɛ te piké isoi fale iyɛ ke Yeesu Kirisi uu Kirisi pikó n he n le (3:1-11).

Iyáhaa

¹ Nέ Ρῶλι, Uléécαα ukεikó ne Yeesu Kirisi utume, néɛ rítelɛ ntí wólu.

Pi pikei né rimúise re ké pɛ ke Uléécαα uu n wée piyómeyáhaa tā am kɔ piróyómeyáhaa asei pi cereise piké ne kefa tene api nfáa teneciré yénu.

² Mpá yo liké kelenɛ n kóri, Uléécαα ye pɛɛ rinóɔ yekei re u unfaasɔne ró hene. Uléécαα úu kɔ unóɔme.

³ Ke likumúnjé aku n tu, uu n nyíse unsímé kuu né rimúíse kémεε. Nsímé mmē kam kə nní kóónúsεlē yarε lē ke Uróyulalε Uléécaá uu m pise.

⁴ Tiiti kenépipi sei, nfatεne mεε ró m pénεlē kémεε kam títelé ntí pó wóipə. Sáa Uléécaá ne Uróyulalε Kirisi Yeesu piké ípεelée pó nyíse api kə nkínjine pó hε.

Pikei pē ke Tiiti uu n wai Kirεeti-pə

⁵ Ne Kirεeti-pə pó tíyεε rε a lεlεε piwai n tisεlē pinyóonse tenεse aa nípá kuyu kúye-i Uléécaá icápine piwéése tonsente yarε kam pó m pise.

⁶ Li pise rε Uléécaá icápine uwéése uké usoi uyē kápi ne ncaai ríka nyu. Li pise rε uké unósi use ula. Li kə pise rε usiwā siké nfatεne m má, ápi kapε kə méwoo méwoo mεwai ne si n wóhəsi, ási kapε kə iháikuse m má.

⁷ Uléécaá pikεi ke uyεε Uléécaá icápine kecáá m paílē uu múílē. Lē nnya kái ne menyíne we rε piké ncaai nnyine ukεcáá yé. Ai pise rε uké utelewélaa néε uké kuwói m má néε uké útaniré néε uyεε mekópe kewóó n wéési.

⁸ Li pise rε uké pisoι kusáne yósi rísonε uu ye lisone n wai. Li pise rε uké mewéesesəhə m má un aseí tikilē, un Uléécaá tikilē ne kefa kesε, uu ye kə umεcire pitíne fe.

⁹ Li pise rε uké Uléécaá Nsímé rimúlú yarε lē kapi n céesi. Lin lē n wa, u yé fe uu picə céési ne aseí icélaa. U yé kə fe uu pεpεε mekópe n céesi ncaai pi nyíse.

¹⁰ Likumúnjé rε pi kulúi wele, aí ne tósu Pisui fi pεε Yeesu ncee rintíki kunai kémεε. Pi pituciré le pεε pisoι n kírαasente ne piiniricélaa.

¹¹ A pi riséese. Síyɔ ne siriyu kpáráa kapi cókɔi, pin lɛ kái m pise céesi piké ne mekópe siwóó n yé nnya.

¹² Piutare use, Kireeti ukó yee maa re: Kireeti pikó ye mesere pinóme le, pi isee kpákpára le, pi pikánkó le pee piluke nmane nfasimé n wai.

¹³ Lɛ kuu kɔ nní m ma ye asei le. Lɛ nnya kai pise re a pi cési nsone piké ne nfatene sone n yé.

¹⁴ Piké kɔ Pisufi siwómé ne pisoí pee asei kepire riŋto isé rin-yá nnya.

¹⁵ Píkperinkpéciré ye nǎpá yo nyánile re ái mékperinkpe má. Píkperinkpekɔ́ ne pɛpɛɛ ápi Uléecaa m pakarelɛ pón n nyáni re nǎpá yo ye mékperinkpe mále, ke pimesohɔ ne pikemúŋé ake mékperinkpe m póriilenle nnya.

¹⁶ Pi símisile yare pi Uléecaa nyule, amá pimɛwai áme pee lɛ nyíselɛ. Pimɛwee ye kuní wele, ápi ye picɔ ne nfasimé ripéne, ápi ye kɔ pikɛi sone pika wa.

2

Icélaa kecire

¹ Amá póké lɛ kai ne icélaa kecire menyíne ní we céesi.

² A pitisi wéese maa re piké pimɛcire tí api isoi sone m má pin nfasimé sone má, pin kɔ keyóme yáasi ne kefa keɛe, pin pisoicɔ nla ne ísuúlu má nsone.

³ A kɔ pinósi wéese símisi re piké n sone yare lɛ kai m pise re Uléecaa pisoí piké n sone. Ápi kape iwóhó m má, ápi kape kɔ pítaniré. Li pise re piké ye pisoí nsone mesohɔ rikpá.

⁴ Kei kapi yéé ne pikpérefaa céesi re piké pipila ne pisiwá n la.

⁵ Piké kə ne pi céesi re piké ye piriyu kecáá musí api ye kelenε linyine wai, piké kə isoi səne m má, piké piyalékεi n̄səne n wai pin pipila pakarelē, úka úu kapε ne Uléécaā nsímé kecáá nkópe n̄ka m̄ ma n̄nya.

⁶ Lē cirε, m̄pá lin íye n we, a ye p̄isoi rin̄móópuse re piké ye musí api kelenε linyine wai.

⁷ Li p̄ise re p̄ó ticurru pəké mewai səne n wai p̄isoi piké yé. Nn̄óome n̄n kapε ip̄ócélaa-i n we. Ai kapε kecáá kecáá ik̄ó.

⁸ A ye an̄ó kecirε nyεε áa kúkeɲε n̄ we rihaa pip̄óláaro piké ne isei n li kápi ker̄ócaá nkópe n̄ka n yé piké m̄ male n̄nya.

⁹ A pilási maa re li p̄ise re piké ye pipikeisaa pakare, pin pimela pi wai m̄pá yo kémεε. Ai p̄ise re piké ye pinkó kési.

¹⁰ Ai kə p̄ise re piké ye pi yáái. Amá li p̄ise re piké ye m̄pá píyei piisoi səne pi nyíse, pin pi tikilē ne kefa kesε piké ne m̄pá yo-i Ur̄óyulale Uléécaā icélaa r̄iyu waise.

¹¹ Likumún̄é re Uléécaā yεε tíyεε ke p̄isoi nn̄éi api yé te u ip̄εelée pi nyíselε. Kei ke p̄isoi nn̄éi piyulale api yé fe api léeri.

¹² Uip̄eelée ye ró nyíse re təké leleε ái Uléécaā n̄ nyam̄ ne ketē nté likáipi-káipi kepire r̄it̄o ari mer̄ócirε ketē kecáá m̄ múl̄ē t̄on aseí tikilē, t̄on isoi səne ke Uléécaā uu n̄ la le.

¹³ Lē kai m̄ p̄ise re təké mp̄ónare keyaa kē m̄ mé ye lē, keyáa kē ke Ur̄óléécaā piima ne Ur̄óyulale, Kirisi Yeesu meyoopi ame nyísenε.

¹⁴ T̄ó n̄nya kuu umεcirε he re uké likópe nn̄éi an̄ipe-i ró ηméherεεεε uu ró p̄ólóse umpuri ke uyē uu

n te, nké n cáká-cákálẽ nn kɔ ne mɛwai sɔne piwai ηmóópúlẽ.

¹⁵ Lẽ kai m pise re pɔké céesi ye lẽ. A ye kéyu kóosi áá ne písoi itisi kpáse aa ye kɔ píncaai pi nyíse. Kapε riyá unyine uké pó lómiiεe.

3

Ulééca písoi mεfine

¹ A Ulééca písoi léise re ái pise re piké kuyu piwéése ne piyóopi pipakare ye. Li pise re piké pi m pakarelẽ, piké kɔ mɛwai sɔne piwai ne n ηmóópúlẽ.

² Api kapε úka nkópe n símisi, piké isoi ninε-ninε m má, pi ne picɔ piké mesére n láárúne, api múpá úye ne isoi sɔne n le.

³ Tó ticuruu ári pεε nyu karí ne wai. Tɔ pεε kupakareciré mále, tɔ pεε ncée pɔle. Lirókáipi-káipi ne merópóla ye pεε ilási ró tónselenle tɔn tikpákára ne kufatoi má. Ári pée nyamí. Tɔ pεε picɔ ipuri yulule, pẽ pin kɔ irókó yúlu.

⁴ Amá kumúnjé kpe-i ke Uróyulale Ulééca uu kusoi ró n wa uu kɔ unla sisoipipi nyíse,

⁵ u ró yóriyεle, ái re kari mɛwai kecire n wa nnya, amá kuu íwe ró n tẽ nnya. Nfáasɔne nnaηe kuú ne míni piwole ritiki uú ne tiróyu lolu re Nfáasɔne nké tíyεse tóké isoi fale yẽ ari kɔ mεfine conse.

⁶ Likumúnjé re Ulééca ye ne Uróyulale Yeesu Kirisi ritikile uú ne Nfáasɔne ró he yare u kerócaá n kɔnnule.

⁷ Uipεelée iké ne tó ripólóse asei pite Ulééca keyu-i, ari pεε fe ari nfáa teneciré kari m mé yenu.

⁸ Nsímései ye mu. Ne la re a nsímé mmú pisímé rinmóópúse, pεpεε ne Ulééca kefa n tene piké ne

mɛwai sɔnɛ piwai kɛ́yu mahã r̥sɔnɛ. Lɛlɛɛ n̄ nyam̄,
lin yé kɔ sisoipipi yoriyɛ yɛ l̄.

⁹ Amá a iníríkɛɛnɛ nɛ pikulã akɛɛntelé nkó nɛ
pitele nɛ Moisi isé kɛcáá pipasainɛ kaasɛ. L̄ɛ nnéí
ái yɛ yoriyɛ, ái kɔ r̥iyu r̥íka má.

¹⁰ A yɛ nɛ uyɛɛ Uléécáa icápinɛ-i písoi n cɛ́ɛsɛ cési
yare mɛpɛh̄ɛ meté. Liute unsá l̄ɛ mɛmáá n kɔ, áá nɛ
u t̄alu.

¹¹ Ai líka nnya, pɔ nyulɛ r̥sɔnɛ rɛ usoi un l̄ɛ n we,
li nyíselɛnɛ rɛ u ncéɛ kɛcɛrɛ pitíki yɛɛ, akóɛrɛ nyé
kuu kɔ n wai an nyísel̄ɛ tɛ u umɛcɛrɛ akóɛrɛ palɛnɛ.

Icélaa t̄ɔrɔ

¹² Nɛn píyɛi Aritemasi néɛ Tisiiki kɛpómɛɛ n
tumpɔ, a r̥ihmóópúɛɛ áá wɛrɛ áa Nikopolisi-i né
lɛɛrɛ, likumúɛɛ rɛ nɛ r̥ihó rɛ kei kam nnyiyɛ píima
kumúɛɛ tonɛnɛ.

¹³ A isé unyuwɛ Senasi nɛ Apoloosi kɛcáá ripáí
r̥sɔnɛ líka ái kɛpɛ pi ripárí kumúɛɛ kɛɛ-i kapi
pinceɛ n t̄osu.

¹⁴ Li píɛ rɛ pirókó ricuruu piké mɛwai sɔnɛ piwai
pinla nɛ pinnanɛ tã, n̄pá píyɛi lin yɛ úyɛ mɛyíkíyiki
rincón, api liute yoriyɛ, ápi kɛpɛ méwoo n we.

¹⁵ P̄ɛ nnéí pɛɛ kɛnémɛɛ n̄ we yɛ piyáháa nó páaipɔ.
A pɛpɛɛ Kirisi nɛ kɛfa n tɛnɛl̄ɛ pin kɔ pirósáɛ yáási.
Uléécáa uké nónnénéí ípɛɛlɛɛ nyíɛ!

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1